

CYNGOR SIR YNYS MÔN	
Cyfarfod:	Cyngor Sir
Dyddiad:	10 Mawrth 2016
Pwnc:	Cynllun Datblygu Lleol ar y Cyd - amserlen ddiwygiedig i'w gynnwys yn y Cytundeb Cyflawni
Deilydd(ion) Portffolio	Cynghorydd Richard Dew
Swyddog(ion) Arweiniol	Jim Woodcock, Pennaeth Gwasanaethau Cynllunio a Gwarchod y Cyhoedd
Swyddog Cyswllt	Nia Davies, Rheolwr Cynllunio (Polisi) 01286 679890 niahafdavies@gwynedd.gov.uk
Aelodau Lleol:	Yn berthnasol i bob Aelod
Pwrpas yr Adroddiad:	Atgoffa'r Cyngor o'r cyd-destun gwneud penderfyniadau a'r broses paratoi'r Cynllun Adnau Adrodd am yr amserlen ddiwygiedig y Cynllun Datblygu Lleol ar y Cyd, er mwyn: (i) cydymffurfio gyda threfniadau gweithredol a gytunodd y ddau Gyngor unigol iddo ers 2010 (ii) adlewyrchu'r sefyllfa ar ôl ymgynghoriad cyhoeddus am y Cynllun Adnau; (ii) cael cymeradwyaeth y Cyngor i'r amserlen ddiwygiedig cyn ei gyflwyno i Lywodraeth Cymru.
Argymhelliad	Bod y Cyngor yn cymeradwyo'r amserlen ddiwygiedig.

Cyd-destun gwneud penderfyniadau ar ddogfennau'n gysylltiedig â pharatoi Cynllun Datblygu Lleol ar y Cyd

1. Ym mis Mehefin 2010, penderfynwyd y byddai'r gwasanaeth polisi cynllunio yn cael ei ddarparu ar y cyd rhwng Awdurdod Cynllunio Cyngor Sir Ynys Môn ac Awdurdod Cynllunio Cyngor Gwynedd. Er mwyn gallu darparu gwasanaeth polisi cynllunio ar y cyd, gwelwyd y byddai angen creu Uned Polisi Cynllunio ar y Cyd a Phwyllgor Polisi Cynllunio ar y Cyd. Byddai'r Pwyllgor yma yn gweithredu fel corff trawsffiniol i wneud penderfyniadau ar ran y ddau Gyngor ar adegau penodol yn y broses o baratoi'r Cynllun.
2. Ym mis Hydref 2010 fe benderfynodd y ddau Gyngor unigol i weithredu ar y penderfyniad a gafodd ei wneud ym mis Mehefin i greu Pwyllgor Polisi Cynllunio ar y Cyd trwy:
 - a. roi'r newidiadau angenrheidiol i'w cyfansoddiadau yn eu lle, a

- b. chymeradwyo cytundeb ffurfiol rhwng y ddau Gyngor sy'n manylu ar gyfrifoldebau'r Pwyllgor a'r trefniadau cyfansoddiadol, gweithredol a gweinyddol ar ei gyfer.
3. O dan y cytundeb, a gafodd ei arwyddo gan y ddau Gyngor unigol, mae cyfrifoldeb y ddau Gyngor yn unigol a chyfrifoldeb y Pwyllgor Polisi Cynllunio ar y Cyd yn cael ei osod.
4. O dan y cytundeb rôl y Cynghorau unigol ydi cymeradwyo'r Cytundeb Cyflawni a mabwysiadu'r Cynllun. O dan y cytundeb, rôl y Pwyllgor Polisi Cynllunio ar y Cyd ydi cynghori ar y Cytundeb Cyflawni, cynghori ar y ddogfen Hoff Strategaeth, cytuno ar y Cynllun Adnau, cytuno ar y newidiadau â ffocws, ac yn olaf derbyn adroddiad yr Arolygydd cyn ei gyflwyno i'r ddau Gyngor unigol am gymeradwyaeth.
5. Mae Cyngor Sir Ynys Môn a Chyngor Gwynedd wedi bod yn cydweithio ers 2011 i baratoi Cynllun Datblygu Lleol ar y Cyd ar gyfer ardal Awdurdod Cynllunio Gwynedd ac ardal Cyngor Sir Ynys Môn.

Cytundeb Cyflawni - amserlen ddiwygiedig

6. Mae'r Cytundeb Cyflawni yn nodi sut a phryd y bydd y ddau Gyngor yn paratoi Cynllun Datblygu Lleol ar y Cyd. Mae hi wedi cymryd mwy o amser na ragwelwyd yn y Cytundeb Cyflawni gwreiddiol i fynd trwy'r camau statudol. Mae'r rhesymau am y llithriad yn cynnwys ymdopi gyda dau etholiad lleol (etholiadau Cyngor Gwynedd ym mis Mai 2012 ac etholiadau Cyngor Sir Ynys Môn ym mis Mai 2013); newidiadau polisi cynllunio cenedlaethol oedd angen rhoi ystyriaeth iddo; gwaith casglu a dadansoddi tystiolaeth hanfodol yn cymryd mwy o amser na ragwelwyd; heriau yn datblygu yn gysylltiedig â Rhaglen Ynys Ynni. Cafodd y Cytundeb Cyflawni presennol ei gymeradwyo gan y ddau Gyngor unigol erbyn diwedd mis Rhagfyr 2014. Fe gafodd ei gefnogi gan Lywodraeth Cymru ym mis Ionawr 2015.
7. Fe gynhaliwyd ymgynghoriad cyhoeddus am y Cynllun Adnau yn ystod mis Chwefror a Mawrth 2015. Mae'r tabl sydd yn y Cytundeb Cyflawni cyfredol yn adnabod amserlen ddangosol ar gyfer mynd trwy'r camau ar ôl yr ymgynghoriad cyhoeddus. Nid oedd yn bosib rhoi amserlen derfynol hyd nes oedd modd cofrestru a dechrau dadansoddi'r sylwadau a dderbyniwyd yn ystod y cyfnod ymgynghori cyhoeddus.
8. Yn unol â'r Rheoliadau ynglŷn â pharatoi cynlluniau datblygu lleol, mae'n ofynnol i awdurdodau cynllunio lleol adolygu eu Cytundebau Cyflawni yn rheolaidd er mwyn, e.e. sicrhau bod yr amserlen yn un gyfredol.
9. Cafodd Panel y Cynllun Datblygu Lleol ar y Cyd wybod am yr amserlen ddiwygiedig pan ddaru o gwrdd ym mis Mehefin 2015. Mae aelodaeth y Panel 'run fath ag aelodaeth y Pwyllgor Polisi Cynllunio ar y Cyd. Fe wnaeth Rhifyn 5 Newyddlen y Cynllun Datblygu Lleol ar y cyd roi gwybodaeth am yr amserlen ddiwygiedig. Cafodd y Newyddlen ei yrru i randdeiliaid penodol a chyffredinol ynghyd ag unigolion a mudiadau sydd ar y gofrestr cysylltiadau. Mae copi i'w weld ar wefan y ddau Gyngor yn <https://www.gwynedd.llyw.cymru/cy/Cyngor/Dogfennau-Cyngor/Strategaethau-a-pholisiau/Cynllunio-ac-amgylchedd/Polisi-cynllunio/Newyddlenni/Newyddlen-Gorffennaf-2015.pdf> . Cafodd aelodau Pwyllgor Gwaith Cyngor Sir Ynys Môn ac

aelodau Cabinet Cyngor Gwynedd wybodaeth am yr amserlen yn ystod Tachwedd 2015.

10. Yn unol â'r cytundeb sydd rhwng y ddau Gyngor fe wnaeth y Pwyllgor Polisi Cynllunio ar y Cyd ystyried yr amserlen ddiwygiedig yn ei gyfarfod ar 29 Ionawr 2016. Fe wnaeth y Pwyllgor Polisi Cynllunio ar y cyd benderfynu argymhell bod y ddau Gyngor unigol yn cymeradwyo'r amserlen ddiwygiedig a welir yn **Atodiad 1 i'r adroddiad yma**. Pwysleisir felly mai unig bwrpas yr adroddiad yma yw cael cymeradwyaeth y Cyngor Llawn (yn unol â gofynion y rheoliadau perthnasol) i'r amserlen ddiwygiedig ar gyfer paratoi'r Cynllun.
11. Cafodd adroddiad tebyg i hwn ystyriaeth gan Gyngor Gwynedd ar 3ydd Mawrth 2016 ac fe wnaeth Cyngor Gwynedd benderfynu cymeradwyo'r amserlen ddiwygiedig.
12. Ar ôl i'r Cynghorau gymeradwyo'r amserlen ddiwygiedig fe gaiff y Cytundeb Cyflawni ei ddiwygio yn unol â hynny a'i yrru i Lywodraeth Cymru am ei gefnogaeth. Yna fe gaiff y Cytundeb Cyflawni diwygiedig a llythyr Llywodraeth Cymru ei roi ar wefan y ddau Gyngor.

Gweithredu ar benderfyniadau eraill y Pwyllgor Polisi Cynllunio ar y Cyd

13. Gwelwch fod y tabl yn Atodiad 1 yn nodi'r camau statudol sydd yn rhan o broses paratoi cynlluniau datblygu lleol yn ogystal â rhoi amserlen ar eu cyfer. Mae'r camau statudol yma yn cynnwys gwneud penderfyniad am gynnwys y Cynllun Adnau ar gyfer ymgynghoriad cyhoeddus ac wedyn gwneud penderfyniad am sut i ymateb i'r gwrthwynebiadau a dderbyniwyd yn ystod y cyfnod ymgynghori cyhoeddus.
14. Fel y gwyddoch, mae datblygiad y Cynllun Adnau wedi bod yn seiliedig ar gasglu a dadansoddi tystiolaeth amrywiol. Mae'r dystiolaeth yma yn cynnwys Arfarniad Cynaliadwyedd, Asesiad Effaith Ieithyddol, Asesiad Cydraddoldeb, Asesiad Rheoliadau Cynefinoedd, ac Asesiad Effaith Iechyd. Mae'r broses yn gysylltiedig â'r asesiadau yma wedi bod yn ailadroddus ac yn dilyn methodoleg gydnabyddedig. Mae'r ddolen i allu gweld adroddiadau am yr asesiadau yma wedi cael ei gynnwys ar ddiwedd yr adroddiad yma, er gwybodaeth.
15. Cafodd unrhyw un a oedd efo diddordeb yn y Cynllun gyfle i fynegi barn amdano yn ystod y cyfnod ymgynghori cyhoeddus yn ystod Chwefror a Mawrth 2015. Yn unol â'r cytundeb rhwng y ddau Gyngor cafodd y Pwyllgor Polisi Cynllunio ar y Cyd wybod am y gwrthwynebiadau mewn cyfarfod ar 29 Ionawr 2016, er mwyn gallu gwneud penderfyniad ar sut i'w taclo. Mae'r ddolen i'r adroddiad a'r atodiadau a gafodd eu hystyried gan y Pwyllgor i'w weld ar ddiwedd yr adroddiad yma. Ar ddiwedd ei gyfarfod ar 29 Ionawr penderfynodd y Pwyllgor Polisi Cynllunio ar y Cyd i gymeradwyo:

- (i)
 - a. Ymatebion i'r sylwadau a dderbyniwyd yn ystod y cyfnod ymgynghori cyhoeddus am y Cynllun Adnau
 - b. Newidiadau â Ffocws i'r Cynllun Adnau
 - c. Mân Newidiadau i'r Cynllun Adnau.
 - (ii) cyflwyno'r Cynllun ac atodiad o newidiadau â ffocws i Lywodraeth Cymru ar gyfer ymchwiliad
 - (iii) cyhoeddi newidiadau â ffocws ar gyfer ymgynghoriad cyhoeddus.
16. Beth bynnag oedd penderfyniad y Pwyllgor Polisi Cynllunio ar y Cyd ynglŷn â'r gwrthwynebiadau a gafwyd am y Cynllun Adnau, mae gan y gwrthwynebwyr hawl i'w gwrthwynebiadau dderbyn ystyriaeth gan Arolygydd annibynnol yn ystod yr Archwiliad Cyhoeddus o'r Cynllun un ai yn ysgrifenedig neu ar lafar mewn gwrandawiadau.
17. Yn unol â phenderfyniad y Pwyllgor Polisi Cynllunio ar y Cyd ar 29 Ionawr 2016, mae ymgynghoriad cyhoeddus am gofrestr o Newidiadau â Ffocws wedi cychwyn ers 25 Chwefror, 2016. Bydd y cyfnod ymgynghori cyhoeddus yn dod i ben ar 13 Ebrill 2016. Bydd y sylwadau a dderbynnir am y Newidiadau â Ffocws yn cael eu cofrestru ac fe fydd copi cyflawn o bob un sylw yn cael eu gyrru i'r Arolygydd a fydd wedi cael ei benodi i gynnal Archwiliad Cyhoeddus o'r Cynllun.
18. Mae Swyddog Rhaglen yr Archwiliad Cyhoeddus o'r Cynllun wedi cael ei phenodi. Mae'r Swyddog wrthi, er enghraifft: yn creu Llyfrgell galed ac electronig yr Archwiliad; yn trafod gofynion yr Arolygiaeth Cynllunio o ran lleoliad swyddfa ar gyfer yr Arolygydd a sesiynau Gwrandawiadau Cyhoeddus; yn casglu deunydd swyddfa, e.e. papur ysgrifennu efo cyfeiriad a manylion cyswllt arno'n barod.
19. Mae Cytundeb Lefel Gwasanaeth gyda'r Arolygiaeth Cynllunio wedi cael ei arwyddo gan yr Uned Polisi Cynllunio ar y Cyd (ar ran y ddau Gyngor) a'r Arolygiaeth Cynllunio.
20. Mae'r Uned Polisi Cynllunio ar y Cyd wrthi'n cwblhau dogfennau sydd eu hangen er mwyn i'w cyflwyno i Lywodraeth Cymru a'r Arolygiaeth Cynllunio.
21. Mae'r Arolygiaeth Cynllunio wedi adnabod Arolygydd i arwain yr Archwiliad Cyhoeddus o'r Cynllun ac fe yrrwyd 2 gopi caled o'r Cynllun Adnau i'r Arolygiaeth Cynllunio yn barod er mwyn i'r Arolygydd a chynorthwydd ddechrau dod yn gyfarwydd efo'i gynnwys. Bydd yr Arolygiaeth Cynllunio yn cyhoeddi enw'r Arolygydd ac unrhyw gynorthwydd yn ystod mis Mawrth 2016.
22. Mae'r Arolygiaeth Cynllunio a Llywodraeth Cymru wedi rhoi gwybod faint o gopiau caled o'r Papurau Testun a Phapurau Cefndir fyddant eu hangen. Mae'r gwaith o argraffu digon o gopiau caled wedi dechrau.

23. nelir i roi'r deunydd angenrheidiol i'r Arolygiaeth Cynllunio a Llywodraeth Cymru yn ystod yr wythnos yn cychwyn 7 Mawrth 2016 er mwyn cwblhau'r broses cyflwyno.

Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	Dim sylw
2	Cyllid / Adran 151 (mandadol)	Dim sylw
3	Cyfreithiol / Swyddog Monitro (mandadol)	Dim sylw
5	Adnoddau Dynol (AD)	Dim yn berthnasol
6	Eiddo	Dim yn berthnasol
7	Technoleg Gwybodaeth Cyfathrebu (TGCh)	Dim yn berthnasol
8	Sgriwtini	Dim yn berthnasol
9	Aelodau Lleol	Dim yn berthnasol
10	Unrhyw gyrrff allanol / arall/eraill	Dim yn berthnasol

Argymhelliad

24. **Bod y Cyngor yn cymeradwyo'r amserlen ddiwygiedig a welir yn Atodiad 1 i baratoi'r Cynllun Datblygu Lleol ar y Cyd er mwyn cydymffurfio gyda gofynion deddfwriaeth.**

Atodiad: Amserlen ddiwygiedig paratoi'r Cynllun Datblygu Lleol ar y Cyd

Papurau cefndir:

Papurau testun a Phapurau Cefndir amrywiol

<http://www.ynysmon.gov.uk/cynllunio-a-gwastraff/polisi-cynllunio/cynllun-datblygu-lleol-ar-y-cyd-ynys-mn-a-gwynedd/dogfennau-cefndirol/>

Adroddiadau am asesiadau amrywiol

<http://www.ynysmon.gov.uk/cynllunio-a-gwastraff/polisi-cynllunio/cynllun-datblygu-lleol-ar-y-cyd-ynys-mn-a-gwynedd/asesiadau-ac-arfarniadau/>

Adroddiad Pwyllgor Polisi Cynllunio ar y Cyd 29/1/16

<http://democratiaeth.ynysmon.gov.uk/ieListDocuments.aspx?CId=159&MId=2865&Ver=4&LLL=1>

ATODIAD 1: Amserlen ddiwygiedig paratoi'r Cynllun Datblygu Lleol ar y Cyd

Cam yn y broses baratoi		Amserlen yn y Cytundeb Cyflawni cyfredol	Amserlen ddiwygiedig
1.	Paratoi a chyhoeddi'r Cytundeb Cyflenwi terfynol (<i>Rheoliad 5 - 10</i>)	Ionawr -Tachwedd 2011	amherthnasol
2.	Adolygu a datblygu'r sail dystiolaeth	Ionawr 2011 - Hydref 2012	amherthnasol
3.	Cyfranogiad Cyn-Adnau - paratoi'r dogfennau cyn-Adnau a fydd yn amlinellu'r prif amcanion a'r hoff strategaeth (<i>Rheoliad 14</i>). Ni fydd hwn yn ddrafft llawn o'r CDLI ar y Cyd	Ionawr 2011 - Hydref 2012	amherthnasol
4.	Ymgynghoriad Cyn-Adnau - cyfnod o 6 wythnos (<i>Rheoliad 15</i>). Ymgynghoriad ffurfiol ar y dogfennau cyn-Adnau a'r adroddiad arfarnu cynaliadwyedd	Mai - Mehefin 2013	amherthnasol
5.	Cyfranogiad - datblygu'r sail dystiolaeth ymhellach a pharatoi CDLI ar y Cyd Adnau (cynllun drafft llawn) sydd wedi'i seilio ar y sail dystiolaeth, gan gynnwys yr ymateb i'r dogfennau cyn-Adnau	Gorffennaf 2013 - Rhagfyr 2014	amherthnasol
6.	Gosod y CDLI ar y Cyd a dogfennau cysylltiedig ar adnau - cyfnod ymgynghori 6 wythnos (<i>Rheoliad 17</i>)	Chwefror 2015 - Mawrth 2015	amherthnasol
7.	Ystyried sylwadau am y CDLI ar y Cyd Adnau (<i>Rheoliadau 18 & 19</i>)	Ebrill 2015 - Tachwedd 2015	Ebrill 2015 - Rhagfyr 2015
8.	Cyhoeddi sylwadau am safleoedd amgen, ymgynghori arnynt - cyfnod o 6 wythnos (<i>Rheoliadau 20 & 21</i>)	Mehefin - Gorffennaf 2015	Nid oes ei angen mwyach
9.	Cyflwyno'r CDLI ar y Cyd i Lywodraeth Cymru ar gyfer Archwiliad Cyhoeddus (<i>Rheoliad 22</i>)	Rhagfyr 2015	Chwefror 2016

10.	Cyfnod yr Archwiliad Cyhoeddus Annibynnol (<i>Rheoliad 23</i>)	Ebrill 2016	Chwefror 2016 - Ionawr 2017
11.	Cyhoeddi Adroddiad yr Arolygydd (<i>Rheoliad 24</i>)	Hydref 2016	Ionawr 2017
12.	Mabwysiadu'r CDLI ar y Cyd (<i>Rheoliad 25</i>)	Rhagfyr 2016	Chwefror 2017
13.	Monitro ac Adolygu	Adroddiad blynyddol	Adroddiad blynyddol